

## UGOVOR O JAVNOJ NABAVCI RADOVA

Zaključen između Ugovornih strana:

**1. UNIVERZITET U SARAJEVU, Obala Kulina bana 7/II, 71000 Sarajevo**, koga zastupa rektor prof. dr. Rifat Škrijelj (u daljem tekstu: Ugovorni organ)  
ID broj: 4200494560007 i

**2. DINALSA d.o.o., Huseina Đoze 3 71000 Sarajevo**, koga zastupa direktor Dino Bajramović (u daljem tekstu: Izvođač)  
ID broj: 4200426560007

TRN: 1940024177800185 otvoren kod ProCredit Bank

Ovaj ugovor se zaključuje na osnovu Odluke Ugovornog organa o odobravanju pokretanja postupka javne nabavke broj: 0101-8459-1/17 od 13. 12. 2017. godine i Odluke o prihvatanju ponude i dodjeli ugovora broj: 0105-8459-3/17 od 25.12.2017. godine, koja je donesena nakon provedenog postupka DIREKTOG SPORAZUMA.

### I-PREDMET UGOVORA

#### Član 1.

Predmet ovog Ugovora su radovi – **izvođenje radova na elektroinstalacijama Centra za interdisciplinarnu studije** za potrebe i po zahtjevu Ugovornog organa, u skladu sa uslovima utvrđenim u Zahtjevu za dostavljanje ponude broj: 0101-8459-2/17 od 13.12.2017. godine (u daljnjem tekstu: Zahtjev za ponudu) i ponudi Izvođača radova broj: 190/17 od 22.12.2017. godine (u daljnjem tekstu: Ponuda).

Izvođač radova se obavezuje da u skladu sa Ponudom, Zahtjevom za ponudu i pozitivnim propisima koji uređuju predmetnu oblast, izvršiti predmetnu uslugu.  
Ponuda Izvođača je u prilogu i čini sastavni dio ovog Ugovora.

### II-VRIJEDNOST UGOVORA

#### Član 2.

Ukupna vrijednost usluge koja je predmet ovog Ugovora iznosi:

3.280,00 KM bez PDV-a,

(slovima: trihiljadedvijestotineosamdeset KM i 00/100), što sa uračunatim PDV-om iznosi:

3.837,60 KM sa PDV-om

(slovima: trihiljadeosamstotinatridesetsedam KM i 60/100).

Cijene predmetnih usluga iz Ponude Izvođača su nepromjenjive za vrijeme trajanja ovog Ugovora.  
Izvođač je dužan pridržavati se jedinične cijene iz Ponude .

### III-ROK PLAĆANJA

#### Član 3.

Ugovorne strane su saglasne da će Ugovorni organ izvršiti plaćanje izvršene usluge u roku od 30 (trideset) dana od dana dostavljanja potpisane i ovjerene fakture od strane Izvođača.

Faktura se dostavlja na adresu Ugovornog organa, Obala Kulina bana 7/II, 71000 Sarajevo, (Pisarnica).

Plaćanje se vrši na transakcijski račun Ugovornog organa.

#### **IV-MJESTO IZVOĐENJA RADOVA**

##### **Član 4.**

Izvođač se obavezuje da će radove koji su predmet ovog Ugovora izvršiti u skladu sa zahtjevom Ugovornog organa odnosno:

- na zgradi CIS-a (Centra za interdisciplinarne studije) na adresi Zmaja od Bosne bb, 71000 Sarajevo
- uslovima iz Zahtjeva za ponudu i
- uslovima iz Ponude.

#### **V-NAČIN I ROK IZVOĐENJA RADOVA**

##### **Član 5.**

Rok izvršenja predmetne usluge je 7 (sedam) dana od dana uvođenja u posao i početka radova

#### **VI-OBAVEZE I ODGOVORNOST IZVOĐAČA**

##### **Član 6.**

Izvođač se obavezuje da:

- izvrši predmetne radove koji odgovaraju zahtjevima i kvalitetu utvrđenom u Zahtjevu za Ponudu i u skladu sa dostavljenom Ponudom;
- izvršiti radove na mjestu i u roku utvrđenom ovim Ugovorom, bez ikakvih dodatnih troškova za Ugovorni organ.
- riješi eventualne reklamacije Ugovornog organa konstatovane od ovlaštene osobe Ugovornog organa;
- ispostavi fakturu za izvršenu uslugu.

Izvođač odgovara za kvalitet izvedenih radova, saglasno propisima i standardima koji regulišu predmetnu oblast i uslovima za njenu proizvodnju i promet.

#### **VII-OBAVEZE UGOVORNOG ORGANA**

##### **Član 7.**

Ugovorni organ se obavezuje da:

- izvrši kvalitativni i kvantitativni pregled izvršenih radova;
- izvrši uredno plaćanje ispostavljene fakture u skladu sa članom 3. ovog Ugovora.
- odredi izvršiocu usluge tačan termin za izvršenje predmetne usluge.

#### **VIII-TRAJANJE UGOVORA**

##### **Član 8.**

Ovaj ugovor se zaključuje do okončanja izvođenja radova, a počinje teći od dana obostranog potpisivanja ovog Ugovora.

#### **IX-RASKID UGOVORA**

##### **Član 9.**

Ugovorni organ ima pravo jednostranog raskida ovog Ugovora i pravo na naknadu prouzrokovane štete, ukoliko se Izvođač radova ne pridržava odredaba ovog Ugovora u cijelosti ili djelimično, kao i u slijedećim slučajevima:

1. ukoliko Izvođač kasni sa završetkom radova;

2. ako kvalitet radova ne odgovara ugovorenom;
3. ukoliko Izvođač ne izvrši uslugu bez nedostataka, nakon primjedbe predstavnika Ugovornog organa;
4. ako Izvođač iz bilo kojeg razloga izuzev više sile, dođe u situaciju da ne može izvoditi radove. Otkazni rok iznosi (7) sedam dana i počinje teći od dana kada Izvođač primi obavijest o raskidu ugovora od strane Ugovornog organa.

## X-ZAVRŠNE ODREDBE

### Član 10.

U skladu sa članom 72. stav (6) Zakona o javnim nabavkama BiH, Izvođač nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje 6 (šest) mjeseci po zaključenju ovog Ugovora, odnosno od početka realizacije ovog Ugovora.

### Član 11.

Ugovorne strane su saglasne da se za sva druga pitanja koja nisu regulisana ovim Ugovorom, a budu od značaja za implementaciju istog, kao supsidijarna pravila primjenjuju norme Zakona o obligacionim odnosima.

### Član 12.

Sve izmjene i dopune ovog Ugovora mogu se vršiti samo uz postignutu pismenu saglasnost Ugovornih strana. Bilo kakvi usmeni dogovori predstavnika Ugovornih strana neće imati pravni značaj.

### Član 13.

Sve eventualne sporove do kojih dođe u realizaciji ovog Ugovora, a koji se ne mogu riješiti sporazumno u duhu dobrih poslovnih odnosa, rješavat će nadležni sud u Sarajevu.

### Član 14.

Ovaj Ugovor stupa na snagu kada ga potpišu i ovjere ovlašteni predstavnici Ugovornih strana. Datum kasnijeg potpisivanja ovog Ugovora, smatra sa datumom stupanja na snagu ovog Ugovora.

### Član 15.

Ovaj Ugovor je sačinjen u (4) četiri istovjetna primjerka, od kojih po (2) dva primjerka zadržava svaka Ugovorna strana. Svi primjerci važe kao original i imaju jednako pravno djelovanje.

**ZA UGOVORNI ORGAN**


**Rektor**

 **Prof. dr. Rifat Škrijelj**

Broj: 0101-8459-4/17  
Sarajevo, 25.12.2017

**ZA IZVOĐAČA**

**Direktor**

  
Broj: 0101-8459-4/17  
Datum: 10.01.2018.g.